



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ადიკვი

ადიკვი, XI ს. ქართული ხუროთმოძღვრების ძეგლი, მანგლისის სამხრ.-დას-ით 20 კმ-ზე (თეთრინყაროს მუნიციპ.), ისტ. ალგეთის ხეობაში. თლილი ქვის მოზრდილი ფილებით შემოსილი ერთნავიანი ეკლესია ორი მინაშენით. როგორც ისტორიული, ისე ძვ. ქართ. სახვითი ხელოვნ. თვალსაზრისით, საყურადღებოა ბარელიეფი, რ-იც დატანებულია ა-ის ეკლესიაზე მიშენებული ეგვტერის კედელში (1, 85 მ. X 0,85 მ, ბაზალტი, პირი ინახება საქართვე. სახელმწ. მუზეუმში). მასზე გამოსახულია ოთხი მამაკაცი (მკვლევართა ვარაუდით – დიდებულები). ბარელ იეფს ოთხივე მხრივ შემოუყვება ასომთავრული წარწერა (პალეოგრაფიულად და შინაარსობრივად თარიღდება XII ს-ით); „ქრისტე, ადიდე შოთა და გამრეკელ და ბეშქენ და ვარაზბაკურ, ამენ. ქრისტე, შეიწყალე იჩქატ მონა...“ გამოთქმულია მოსაზრება, რომ წარწერაში მოხსენიებული პირები თორელთა საგვარეულოს წარმომადგენლები არიან (ნ. შოშიაშვილი), ხოლო შოთა – შოთა რუსთაველი (პ. ინგოროყვა). ეკლესიაზევე ამოკვეთილია იურიდიული ხასიათის წარწერა (პირველი წარწერის თანადროული) – ვარაზ ბაკურის მიერ ა-ის ეკლესიისათვის მიწის შეწირვის აქტი.

ლიტ.: ბ ე რ ძ ე ნ ი შ ვ ი ლ ი ნ., საქართველოს ისტორიის საკითხები, წგ. 1, თბ., 1964; ი ნ გ ო რ ო ყ ვ ა პ., თხზულებათა კრებული შვიდ ტომად, ტ. 1, თბ., 1963; შ ო შ ი ა შ ვ ი ლ ი ნ., თორელთა ფეოდალური სახლის ისტორია და შოთა რუსთაველი, კრ.: შოთა რუსთაველი. ისტორიულ-ფილოლოგიური ძიებანი, თბ., 1966.

**ნ. შოშიაშვილი**

---